

Bosna i Hercegovina
Federacija Bosne i Hercegovine
Hercegovačko-neretvanski kanton/županija
Grad Mostar
Gradonačelnik

Broj: 02-16-13273/16-6
Mostar; 10.02.2017.godine

Na osnovu člana 43. Statuta Grada Mostara (Službeni glasnik Grada Mostara broj:4/04; 6/09 i 15/10) Gradonačelnik Grada Mostara objavljuje sljedeći:

NAGRADNI KONKURS - NATJEČAJ
za izradu suvenira Grada Mostara

I Predmet konkursa:

1. Predmet Konkursa je izbor zvaničnog suvenira Grada Mostara;
2. Suvenir treba da bude odraz tradicije i kulturno-istorijske baštine i da izražava autentične prirodne i turističke vrijednosti i atraktivnosti Grada Mostara;
3. Suvenir treba da bude izrađen od materijala prema ideji autora, sa opisom izrade, veličine, boje i materijala od kojeg će se proizvoditi. Za izradu se mogu koristiti samo stabilni i ekološki prihvatljivi materijali, npr. metal, keramika, kamen, terakota, drvo, staklo, papir i sl. Poželjno je da se za izradu suvenira koriste autohtoni materijali, tj. materijali koji su prepoznatljivi za Grad Mostar, i sl.
4. Radovi mogu biti u nekoj od sljedećih formi:
 - Tradicionalni suvenir: ručni radovi, ukrasni i upotrebni predmeti od keramike, drveta, papira, tekstila, slame i sl., odjevni predmeti, vez, tkani predmeti, i sl.
 - Urbani suvenir: razglednice, okviri za fotografije, privjesci, magneti, markeri za knjige, podmetači za čaše, i sl.
 - Drugi ukrasni ili upotrebni predmeti: šolje, flaše, replike gradskih zdanja i drugih prepoznatljivih građevina ili autentičnih prirodnih vrijednosti Grada Mostara, i sl.
 - Ostali predmeti ili radovi koji uključuju nove tehnologije – multimedija.

II Uslovi konkursa

1. Pravo učešća na Konkursu imaju sva pravna i fizička lica državljani Bosne i Hercegovine.
2. Članovi konkursne komisije i njihova bliska rodbina ne mogu sudjelovati u nagradnom konkursu.
3. Autor treba dostaviti jedan primjerak suvenira u originalnoj veličini i materijalu, sa objašnjenjem ideje, a dostavljanje prijedloga vrši se na sljedeći način:

a) U zatvorenoj koverti (kutiji) sa naznakom „Konkurs za suvenir Grada Mostara“, dostavlja se suvenir sa šifrom autora, anonimno bez imena i oznaka autora;

b) U posebnoj, zatvorenoj koverti, priloženoj uz kovertu ili kutiju, označenu istom šifrom, dostavljaju se kontakt podaci o autoru uz naznaku „Suvenir-podaci o autoru“ sa sljedećim podacima:

- podaci o autoru (ime, prezime, JMBG, adresa, broj telefona, e-mail),
- opis materijala i postupak izrade i pakovanja,
- izjava da je predloženi rad djelo autora i potpis autora.

3. Svaki autor može dostaviti više prijedloga. U tom slučaju, svaki rad mora biti dostavljen kao posebna pošiljka i na način utvrđen u tački II-2 ovog Konkursa.

4. U slučaju da suvenir bude izabran, autorska prava, odnosno pravo na komercijalno iskorištavanje istog, prelaze na Grad Mostar, a pod uslovima koji će biti regulisani posebnim ugovorom.

III Kriteriji konkursa

1. Suvenir Grada Mostara predstavlja proizvod prilagođen masovnoj proizvodnji, namijenjen turističkoj promociji Grada Mostara, različite materijalne vrijednosti, koji će cijenom biti prihvatljiv na slobodnom tržištu.

2. Suvenir treba da zadovolji umjetničke i proizvodne standarde.

3. Suvenir mora imati elemente prepoznatljivosti lokalne sredine i biti odraz tradicije, kulturno-istorijske i materijalne baštine Grada Mostara.

4. Za izradu se ne mogu koristiti nerazgradivi, već isključivo ekološko prihvatljivi materijali (npr. keramika, metal, glina, gips, vosak, kamen, terakota, drvo, tekstil, staklo, papir, i sl.)

IV Komisija za izbor suvenira

1. Gradonačelnik Grada Mostara imenuje Komisiju za izbor zvaničnog suvenira Grada Mostara. Komisija obavlja postupak izbora suvenira i sastavljena je od stručnih lica iz oblasti umjetnosti, etnologije, dizajna, arhitekture, turizma i sl.

2. Pri izboru će se vrednovati:

- kvaliteta ukupnog koncepta,
- prepoznatljivost,
- veza sa tradicijom i kulturnim naslijeđem,
- originalnost i inovativnost,
- tehnička izvodljivost i mogućnost serijske proizvodnje,

- praktičnost i moguća primjena u svakodnevnoj upotrebi,
- ekonomska pristupačnost proizvoda.

V Nagrade

1. Ukoliko Komisija za izbor zvaničnog suvenira Grada Mostara utvrdi da je kvaliteta pristiglih radova zadovoljavajući, donijet će odluku o dodjeli jednokratnih otkupnih nagrada, i to:

- 1. nagrada: 3.000,00 KM
- 2. nagrada: 2.000,00 KM
- 3. nagrada: 1.000,00 KM

Predviđena je mogućnost da se sa autorom nagrađenog rješenja, ukoliko autor može proizvoditi suvenir koji je nagrađen i otkupljen, sklopi ugovor o izradi suvenira. Za realizaciju izrade suvenira sklopit će se poseban ugovor.

2. Ako Komisija odluči da nijedan od prispljelih prijedloga ne zadovoljava kriterije Konkursa, Komisija zadržava pravo da ne izabere nijedno rješenje, kao i mogućnost preraspodjele konkursnih nagrada.

3. Isplatom nagrade autora, autorska prava prelaze na Grad Mostar.

4. Ukoliko se naknadno utvrdi da je suvenir plagijat, Komisija zadržava pravo da poništi Odluku o nagradi, a nagrađeno lice je dužno vratiti novčani iznos nagrade.

VI Rok za dostavljanje radova i donošenje odluke o izboru

1. Prijedloge dostaviti u roku od šezdeset dana (60) od dana objave Konkursa na web stranici Grada Mostara odnosno dnevnoj štampi ; poštom ili lično, na adresu:

Prijave se mogu dostaviti lično na protokol ili putem pošte na adresu : Grad Mostar, Hrvatskih branitelja 2, 88 000 Mostar.

2. Radovi koji budu dostavljeni poslije navedenog roka, kao i radovi koji ne budu dostavljeni u formi i na način pod uslovima utvrđenim u tački II-2 ovog Konkursa, neće biti ocjenjivani.

3. Svi učesnici će biti pismeno obaviješteni o rezultatima Konkursa. Prijedlozi suvenira koji ne budu izabrani će biti vraćeni autorima, uz moguć otkup suvenira na prijedlog Komisije.

4. Prijavom na Javni konkurs učesnici neopozivo prihvaćaju sve uslove Konkursa.



GRADONAČELNIK

Ljubo Bešlić